

Tak salah serang

Metro 28/4/12
MS 15

Mangsa rogol berhak pertahanan diri

>>Oleh Mohd Sabran Md Sani

sab@hmetro.com.my

KUALA LUMPUR: “Dari segi perundangan, antara kesalahan seseorang boleh dilanjutkan hak mempertahankan diri walaupun membawa kematian penyerangnya adalah kes rogol,” kata penganalisis jenayah Kamal Affendi Hashim.

Kamal Affendi berkata, perlanjutan hak itu termaktub di bawah Seksyen 100 Kanun Keseksaan dan perbuatan dilakukan individu menjadi mangsa rogol bertindak terhadap penyerangnya berdasarkan lunas undang-undang.

“Tidak ada kesalahan padanya, jika siasatan mendapati tindakannya menyerang. Jika tidak mempertahankan diri, kemungkinan mangsa akan berdepan kematian. Maka wanita itu (mangsa) tidak berhadapan dengan komplikasi undang-undang.

“Lain kes yang membolehkan seseorang itu menjalankan tindakan di bawah Seksyen 100 KK termasuk serangan bertujuan



KAMAL AFFENDI...wanita ada hak pertahanan diri

Padah cuba perkosa

Parah dicantas gadis

FAKTA
‘Any’ hampir pitis

> Senjata makan tuan. Seorang lelaki yang cuba memapam dan memperkosa seorang wanita berusia 20-an menantu sahaja apabila parang dicantasi terfasa ditunduk

IMBAS...laporan Harian Metro, semalam.

meliwat, serangan dengan niat menculik atau melarikan orang, serangan boleh menyebabkan kematian serta-merta atau cedera parah," katanya.

Beliau berkata demikian ketika mengulas laporan muka depan akhbar ini semalam mengenai tindakan seorang lelaki yang menerima balasan segera apabila parang digunakannya ketika cuba menyamun dan merogol seorang wanita dirampas mangsa lalu dilibas mengenai kemaluan penjenayah terbabit.

Berikutan kejadian itu yang berlaku di kawasan rumah kedai di Jalan Pandan Indah, di sini, jam 4 petang kelmarin, suspek terbabit yang berusia 20-an mengalami kecederaan serius pada alat kelaminnya.

Sumber polis berkata, sebelum kejadian, mangsa yang berusia 20 tahun dalam perjalanan ke sebuah kedai runcit berhampiran rumahnya.

Menurutnya, mangsa dihampiri suspek yang mengacukan parang ke lehernya sebelum mangsa diheret ke kawasan gelap berdekatan sebuah stor di tingkat dua bangunan rumah kedai itu.

Suspek turut bertindak ganas dengan memijak kemaluan mangsa beberapa kali tanpa menghiraukan tangisan, rayuan mangsa supaya tidak dikasari.

Mengulas lanjut mengenai tindakan dilakukan mangsa dalam kes itu, Kamal Affendi berkata, walaupun tidak menyokong tindakan drastik itu, jika itu pilihan yang ada ketika itu, maka ia adalah wajar.

"Untuk menghentikan pergelutan yang berlaku, tindakan drastik wanita itu menggunakan parang ketika berpeluang bertindak sedemikian adalah baik untuk mengelak dirinya menerima ancaman yang membawa maut.

"Tidak ada satu kaedah wajib bagaimana bertindak jika berdepan keadaan seperti ini. Kebanyakan orang bercakap soal pencegahan, tetapi lupa satu bab pencelahan," katanya.

Menurutnya dalam bengkel intervensi dilaksanakannya, jika seseorang wanita berdepan keadaan seperti itu, maka adalah lebih baik mereka bertindak sedemikian dan itupun jika tiada pilihan lain di depan mata.

"Kebanyakan orang berpendapat, belajar sukan tempur dan mempertahankan diri perlu cekap bertindak terutama dalam keceemasan dan sebenarnya tidak.

"Seni pertahankan diri ini ada ruang masa dan peraturan ditetapkan dan seni ini pertahan diri dan kecekapan bertindak," katanya.